



Presidente da RDTL, Taur Matan Ruak Inaugura Sentru Komunitaria Iha Municipiu Aileu

PNDS

Hamutuk Ita
Dezenvolve nasaun

Marsu 2015

Prezidente Kontente ho PNDS Tanba Benefisiu Imediatu ba Komunitade

Durante semana ida Sua. Ex. Cia Prezidente da Repúblika Taur Matan Ruak iha programa vizita Suku iha Munisípiu Aileu, alende diálogu direita ho comunidade Suku, Prezidente da Repúblika utiliza mós oportunidade ba hare besik no halo inagurasaun projetu PNDS ne'ebé implementa direita husi comunidade. PNDS la'os deit fó kbiit atu sira involve an iha projetu sira, maibé liu-liu lori benefisiu imediatu ba sira nia moris loron-loron", hato'o husi Sua. Ex. Cia Prezidente da Repúblika Taur Matan Ruak, bainhira halo diálogu ho comunidade iha Suku Bandudato, Postu Administrativu Aileu Vila, Munisípiu Aileu.

Xefe Suku Madabeno, Francisco Rodrigues Pereira hatete katak Programa PNDS ne'ebé la'o iha sira nia Suku, responde duni problema desenvolvimento comunidade nian. Iha implementasaun programa PNDS iha Suku Madabeno, ba dahuluk comunidade deside rehabilitasaun sentru komunitaria multi funsaun mak sai hanesan prioridade as liu no nia rezultadu mak finaliza no hetan inagura husi Sua. Ex. Cia Prezidente.

"Fatin ida ne'e ami utiliza hodi konsulta inan isin rua nomós moras sira seluk, ami mós tau ai-moruk iha fatin ida ne'e para bele fasilita comunidade sira iha ne'e", hato'o husi Ofelia Guterres, hanesan Médiku Jeral husi Munisípiu Aileu.

Xefe Suku Fatubosa, iha ninia diskursu rekomenda ba Sua. Ex. Cia Prezidente Taur Matan Ruak atu fó hanoin ba VI Governu Konstitusionál atu nune'e bele implementa no melhora liu tan programa PNDS iha Suku hotu iha Timor laran, tanba programa PNDS ne'e governu hakbesik an duni desenvolvimento iha Suku no Aldeia iha territóriu tomak.

"Programa PNDS ne'ebé governu implementa tinan-tinan, mesmu ho subsidiu ne'ebé ki'ik, responde duni comunidade nia preokupasaun konaba desenvolvimento", hato'o husi Jose da Costa, Xefe Suku Fatubosa.

Programa PNDS la'os atu responde deit ejijénsia desenvolvimento ne'ebé mak comunidade enfrenta, maibé kapasita mós comunidade sira oinsá bele identifika rasik problema desenvolvimento iha suku no aldeia laran, atu nune'e bele fó kbiit ba comunidade rasik mak jere programa, halo planu, implementa, no halo operasaun ho manutensaun.

Projetu hirak ne'ebé hetan inagurasaun ne'e mak Rehabilitasaun Sentru Komunitaria multi funsaun iha Suku Madabeno, Aumenta Sala Eskola iha Suku Seloi Kraik, Konstrusaun Sentru Komunitaria Multi Funksaun iha Suku Fatubosa no Konstrusaun Bee Mós iha Suku Bandudato.

Progresu

Pilotu: Remata ona

Faze 1: Etapa 11 / 12

- Kompleta konstrusaun, no entrega ba ekipa operasaun no manutensaun
- Enkontru Akontabilidade Final

Faze 2: Etapa 10 / 11

- Sertifika, no Halo enkontru akontabilidade final
- Kompleta kontrusaun

Faze 3: Etapa 6/7

- Diskrisaun Proposta Projetu
- Perpara Plano Detailhu


Faze 1 Siklu 2 : Etapa 4/5

- Formasaun Ba EJS
- Determina Prioridade




Prioridade sira Iha Nasional

Faze 1



Faze 2



- Saude
- Bee Mos no Saneamentu
- Edukasaun, Cultura e Desportu
- Agricultura, Siguranca Alimentar no Buka Moris
- Dalan, Ponte no Kontrolo de Cheias
- Solidariedade Sosial
- Sektor Seluk

Primeiru Ministru, Rui Maria de Araujo Deklara PNDS Sei Kontinua

“Governu tenta halo esforsu nafatin hodi halo dezvoltamentu iha imi nia Suku liu husi programa hanesan ne’e (PNDS), tinan ida ne’e inagura sentru komunitáriu, tinan oin inagura fali buat seluk, dezvoltamentu ne’e sei la para no programa ne’e la’o ba oin nafatin”. Deklara husi Primeiru Ministru, Rui Maria de Araujo iha inaugurasaun sentru komunitáriu multi funsaun iha Suku Soro, Postu Administrativu Ainaru Vila, Munisípiu Ainaro (14/03/2015).

Chefe do governo mos realsa katak “Tenke kuidaду facilidade estadu hirak ne’e ho di’ak, labele estraga, tanba facilidade hirak ne’e atu facilita imi nia atividade hodi desenvolve imi nia Suku. Facilidade estadu ne’e hanesan imi nian, ita espera katak ho programa PNDS, sei halo buat barak iha imi nia Suku”,

Primeiru Ministru mós informa katak programa PNDS ne’ebé uluk jere husi Ministériu Estatál, sei muda hodi tutela ba iha Ministériu foun, Ministériu Planeamentu no Investimentu Estratéjiku. Alende halo inaugurasaun, Primeiru Ministru Rui, pasa revista mós ba livru orsamentu comunidade ninia ne’ebé prepara, liu-liu kona-ba gastus orsamentu ba operacional ho infraestrutura, no nia kontente tebes ho prosesu programa PNDS ne’ebé hatudu rezultadu di’ak liu-liu iha parte konstrusaun, tanba iha implementasaun konstrusaun ne’e implementa direita husi comunidade no comunidade siente katak sira mak sei sai nain ba konstrusaun ida ne’e iha futuru mai.



Akordu Implementasaun Ho Komunitade Iha Faze Tres Tengki Halo Ona Atu Aslera Implementasaun Obra Ne’ebé Komunitade Deside.

Orsamentu ba implementasaun programa PNDS faze tres iha tinan 2015 governo propoin ona iha orsamentu ratifikativo, wainhira orsamentu nee hetan aprovasaun ita tengki aslera ona prosesu akordu ho comunidade atu asina kontratu implementasaun kona-ba proposta comunidade nian ne’ebé decide ona iha enkontru comunidade nian. Kuandu iha ona akordu ho comunidade mais tarde iha fulan abril ou maiu orsamentu tengki tranfere ona ba konta bankaria suku nian. Informa husi Diretora Jestaun Operasional Programa PNDS, Dulce Guterres Junior iha enkontru koordinasaun nivel nasional ne’ebé hala’o iha Dili (26-27/03/2015).

Atu meliorha implementasaun programa PNDS, Dulce Guterres Junior husu atu Direktor Delegasaun PNDS iha Municipiu 13, atu kontinua serbisu hamutuk ho FST sira para atu bele aslera serbisu hotu-hotu iha Municipiu. Serbisu hamutuk entre FST no PNDS tengki sai ekipa ida ne’ebé forti atu bele facilita comunidade sira hodi implementa projetu hirak ne’ebé sira decide hakarak kontui iha sira nia suku. Iha enkontru koordinasaun nee, diresaun nasional mos aprejenta kona-ba progresu actual konstrusaun projetu faze primeiru ba projetu 336 ne’ebé kompostu husi projetu sectoral sira mak hanesan saude, bee mos no saneamento, edukasaun cultura e desportu, agrikultura seguranca alimentar, buka moris, no seitor seluk.

Tuir relatóriu Quick status ne’ebé aprejenta husi xefe departamentu implementasaun programa, Olderic Lopes, progresu konstrusaun projetu 336 faze primeiru ne’ebé atinji ona 100% hamutuk projetu 235, projetu 80 iha persentajen entre 80 too 98, projetu 7 iha prosentu entre 70 too 79, projetu 10 iha persentajen 51 too 69 no projetu tolu porsentu 26 to 50%.

Atu hetan informasaun tan:
www.pnds.gov.tl
info@pnds.gov.tl

Atu fo imi nia hanoin:
keixa@pnds.gov.tl